

Newspaper	UTUSAN MALAYSIA
Date	12 JULY 2016

# PM kongsi 'cerita' sambut Ramadan

UM - 12/7/2016

**KUALA LUMPUR 11 Julai** - Datuk Seri Najib Tun Razak berkongsi pengalaman peribadinya menyambut Ramadan yang hampir seminggu berlalu dengan mencuba juadah-juadah tempatan di bazar-bazar Ramadan dan melihat keunikan budaya di seluruh negara.

Perdana Menteri berkata, beliau juga berpeluang untuk bersama-sama mengimarahkan majlis-majlis agama selain menyertai moreh di surau-sarau dan masjid-masjid.

Jelas beliau, wujud rasa rindunya kepada bulan mulia yang turut merapatkan ukhuwah sesama masyarakat Islam.

"Dalam kemeriahan kita kini menghampiri seminggu menyambut Syawal, ada juga sedikit rasa rindu kepada Ramadan yang telah berlalu. Banyak ibadah yang

hanya boleh kita jumpa di bulan penuh keberkatan ini seperti tarawih dan sebagainya.

"Dalam bulan Ramadan juga, terdapat banyak aktiviti unik yang mampu merapatkan ukhuwah sesama kita. Sepanjang sebulan berpuasa, saya berpeluang melakukan jelajah bertemu ramai dan mencuba keunikan budaya dan juadah tempatan di bazar-bazar Ramadan seluruh Malaysia selain mengimarahkan majlis agama dan menyertai moreh di surau-sarau dan masjid-masjid serata negara.

"Insyallah, sama-sama kita berdoa dipanjangkan umur semoga bertemu Ramadan di tahun hadapan," katanya menerusi blog miliknya, <https://www.najibrazak.com> di sini hari ini.



**NAJIB TUN RAZAK**